

միտջէ գրել վսեմութեանդ . եւ մանաւանդ գերազանց սրբազան ժողովն ի ձեռն գերամբարձ կարտինալ կարաֆային Հայոց յորգորեաց զանարժանութիւն մեր մնալ ի Հոօմ ձեռնադրող որդւոցն տէ Պրօպականտա ֆիտէյի : Նսեւ ետ ձեռնադրել մեզ զերիս քահանայս , եւ զերկուս սարկաւազունս ի յեկեղեցին Հայոց , յորոց մինն է մօնսինեօր Դասպասն , որ է այժմ այդր : Բայց մեք վասն ունելոյ ի մօի մերում տպագրել զոմանս ուղղափառական գրեանս ի Վէնէտիկ քաղաքի , եւ կատարել զայլ օգտակար մտածմունս ի յօգուտ ազգին մերոյ . աղաչեցաք թոյլատրել զմեզ գնալ ի Վէնէտիկ , որ եւ գնացեալ կատարեցաք զեղեանն ի մօի մերում , որպէս եւ տեսանի : Եւ զինի անցանելոյ ամաց ոմանց՝ վերստին դարձաք ի Հոօմ , եւ մնալով այդր վեցամնեայ ժամանակաւ , ապա հրաման առեալ ի Քահանայապետէն եւ ի Սրբոյ Ժողովոյն գնացաք ի Վ. Պօլիս : Եւ թէ անդանօր զինչ , եւ զորպիսի հալածանս կրեցաք , եւ զորքան օժանդակութիւնս արարաք ուղղափառացն Հայոց , եւ որպիսի քարոզութեամբ վարեցաք յայտնապէս ի հոյակապ եկեղեցիս Հայոց , եւ զայլ այսպիսի իրակութիւնս տեսանելոց է Աստուծով Սրբազան Ժողովն քեւ հանդերձ , ի ձեռն ճշմարիտ վկայական գրեանց գերազանց դեսպանացն Քրանսայու եւ Նսպօլսոյ , որք ականջալուրբ եւ ականատեսք դուով ամենայն որպիսութեանց առից եւ կրից մերոց վկայեալ հաւաստապէս գրեն առ գերազանց կարտինալ թագաւորութեանց իւրեանց , այսինքն առ . . . զորս ունիմ այժմ ընդ իս , առ ի բերել այդր : Վերջապէս որպէս առաջին նուագի գալըսսեան իմոյ այդր , ներշնչմամբն Աստուծոյ ձեռնտու եւ օժանդակ եղեւ ինձ հանգուցեալ Մօնսինեօր Վէրբարին , այսպէս եւս այժմ ակն ունիմ ի Աստուած , թէ նախապատրաստեալ իցէ զքեզ առ ի իննել նեղելոյս տռաւելագոյն նպաստ եւ օժան-